



ՈՂՋՈՒՅՆ ՀԱՄԱԶԳԱՅԻՆ ԵԿԵՂԵՑԱԿԱՆ ԺՈՂՈՎԻ ՊԱՏԳԱՄԱՎՈՐՆԵՐԻՆ

ԲԱՐԻ ԳԱԼՈՒՍՏ, ՍԻՐԵԼԻ ԵՂԲԱՐՅՆԵՐ ԵՎ ՀԱՅՐԵՆԱԿԻՑՆԵՐ

Հայրենաբաղձ կարոտների կարավաններն ուսած մեր քույրերի և եղբայրների ողջուններով և նրանց ձեզ բարի երթի որոտալից բացականչություններով շտապում եք Հայրենիք, շտապում Մայր Արաքսից մի կաթիլ ջուր ըմպելու, Հայրենի հողը համբուրելու և նրա սրգապանձ լեռների ու դաշտավայրերի գեղեցկության հմայքները շնչելու:

Եվ ահա տեսնում եմ դեպի Հայրենիք սեևոսած բազմահազար ժողովրդի կարոտալի հայացքները, լսում եմ նրանց ողջունների որոտները, կեցցեքների տարափը, տեսնում եմ նրանց հույսերով ու ակնկալություներով լի թուիչքները, որոնք հեռավոր հորիզոնները կտրելով ցնծության և քերկրանքի հեղեղներ են թափում Մասիսի և Արագածի գեղապարս լանջերին:

Գալիս եք և դուք, ո՛վ մեր երկրի լուսավոր կյանքը կերտողներ, մեր մաքառումների և հաղթանակների մարտավառ հերոսներ, գալիս եք ձեր խա՛ղ ձեռքով կերտած, ձեր քրտինքներով ցողած հրաշակերտների փառքը բազմապատկելու, մեր պայքարների հաղթություններ տոնելու, գալիս եք ձեր հեռավոր քույրերի և եղբայրների ներկայացուցիչների հետ դրկախառնվելու, նրանց հոգու խորքերից բխող հայրենական սիրտ կարոտների և խոնդավառության երգեր լսելու:

Ահա մեր երկրի միևնույն, դեղածածկ երկնակամարում հավերժության թևերի վրա հավերժորեն ստվառնում է մեր սիրտ, մեր միասնության ամսահասկան ողին, և հայրենի հողերը ցնծության մայրաքաղաքներն են կրծքներին՝ ողջունյի ծաղիկներ են փուռվում ձեր ճանապարհներին ու երդում են միասնության և համերաշխության վսեմ չարականները:

Ցնծում է մեր Հայրենիքը և բաց է առնում ձեր առաջ իր ոսկյա դարբասները:

Բարի գալուստ, բարի ողջուն, լսվում ձեռն չորս կողմից և ձեր հանդիսավոր երթը մինչև Մայր Աթոռ զարդարվում է անկեղծության դավաններով ու փառքով:

Բարի գալուստ, բարի ողջուն, թնդում է Հայրաստանական դահլը, Մայր Ցաճարի հինավուրց գմբեթները սկսում են դողանջել բարի գալուստի հզոր երգերը, որոնք օդի ալիքները պատռելով սլանում են դեպի Արագածի ստորոտները Օշականին աջ քարուսանքի համբույրները տալու:

Դուք օտար հորիզոնների մեր եղբայրներ և հայրենակիցներ, դուք գալիս եք ուրախ և հաղթական և ճանապարհին ձեր դարչապարների տակ ընկած են դարերի տխուր հուշերը, մեր պատմության մոռալ էջերը, մեր դառն անցյալի արհամարքներն ու կսկիծները:

Մենք դարերի բռնությունն ու խառնաբույր մոխիր դարձրինք և ոչնչացման անդունդը նետեցինք 25 տարի առաջ, այն երջանիկ և բերկրալից օրերին, երբ ծաղեց համայն մարդկության ազատության արշալույսը և նոյեմբերյան առավոտը Հայաստանի դաշտերն ու լեռները դարձարեց նոր արևներով ու դարձուններով:

Եկեք, եկեք, մեր նոր Հայրենիքի փառքը տեսնելու, եկեք խնդարու և ողևորվելու:

Եկեք լսելու մեր պատմության, մեր վերածնության կախարդիչ հեքիաթը, որ մեր ժողովրդի դարձրեց ու նրա նորոգ կյանքի վսեմ պատումն է:

Մտեք մեր նոր պատմության ոսկե դռներով, բարձրացե՛ք ազատության սեղանը,

որպեսզի մեր նոր դարաշրջանի, մեր նոր կյանքի հաղթանակները տեսնեք:

Կտեսնեք և հրճվանքով կրաբախեն ձեր սրտերը:

Եկեք, եկեք, բարի՛ դալուստ... մեծ է և սրտմական ձեր սրարտավորությունը և գործը: Այդ վսեմ պարտավորությունն է ձեզ բերել այստեղ:

Աղգային միասնության ոգին է ձեզ առջնորդել դեպի մեր մշտած իծաղ, լուսավոր հորիզոնները, ուր ազատության և եղբայրության դրոշներն են փողփողում, ուր աշխատանքն ու երջանիկ կյանքը այլևս բաղձանք ու տենչանք չեն, այլ տեսանելի իրականություն:

Բաց են մեր գրկերը, պայծառ ու զվարթ մեր ճակատները:

Եկե՛ք, եկե՛ք...

Ձեր առաջով հպարտ ու լիս կանցնի մեր նոր ոսկեդարը ու բարձունքից մեր հեքիաթային երկրի զանգակները կողողանջեն և կերդեն ձեզ մեր հաղթանակների հավերժական երգերը:

Եվ երբ այգաբացի առաջին բույսերը թափանցեն ձեր լուսամուտներից, ձեզ կողջունեն մեր բաղձաթիվ գործարանների շշակները աշխատանքի և հաղթանակի ոգու դալուստը ամենտեղով:

Բարի՛ դալուստ, բարի՛ դալուստ...

ՌՈՒՐԵՆ ՎԱՐԴԱՊԵՏ

